

Headline
Date
Media Title
Section
Circulation
Readership

Malam Puisi Pena medan lepas geram

24. Jan 2008

Language

MALAY

Berita Harian

Page No

B13

Hip

Article Size

901

cm²

217991

Frequency

Daily

762968

Color

Full Color



PC UMI BERITA HARIAN

ADA KEMAJUAN: Khalayak Malam Baca Puisi Pena semakin ramai ketika tirai 2008 dibuka pada 5 Januari lalu.

Malam Puisi Pena medan lepas geram

Penyair guna peluang bidas rejim Israel, Amerika Syarikat yang angkuh dan kejam

Oleh Nazmi Yaakub

MALAM Baca Puisi Pena di Rumah Persatuan Penulis Nasional Malaysia (Pena), Jalan Dewan Bahasa, baru-baru ini, membuka tirai tahun baru mereka dengan melepaskan kemarahan terhadap keganasan dan keangkuhan yang berleluasa pada persada antarabangsa.

Isu keganasan rejim Israel dan keangkuhan Amerika Syarikat (AS) melompat di antara puisi patriotik yang mengingatkan kemerdekaan yang perlu dipertahankan serta disburkan, selain sesekali kembali kepada akar budaya dengan mengalunkan puisi tradisional, tetapi mengelakkan pesan universal.

Koordinator Pena Dr Ahmad Razali Yusuf, menyemarakkan kembali kebenaran terhadap keganasan rejim Israel yang mengiringi peluru berpandu dan bom kepada rakyat Lubnan pada serangan kira-kira dua tahun lalu lewat puisinya, *Raung dari Gurun dan Ladang Mimpি*.

Lewat puisi yang sarat dengan kemarahan itu, Dr Ahmad Razali membawa khalayak mengenang nasib mangsa seperti kanak-kanak yang kehilangan ibu bapa dan suami isteri, terpaksa meratapi kematian pasangan mereka, angkara keganasan Israel.

Kemarahan Dr Ahmad Razali bagaimanapun dicurahkan minyak oleh penyair dari utara, Puzi Hadi, apabila membacakan puisi berbentuk prosanya, *Biarakan Bagdad Mati; Biarkan Amerika Menang*, sekali gus mengingatkan penonton mengenai kuasa besar yang membuat



Maarof Seman



Agi



Puzi Hadi

onar di Asia Barat dan menjadi pelindung kepada rejim Israel.

Puzi Hadi yang meminjam gaya cerita rakyat, *Si Luncu dengan Laburya*, secara sinis meminta umat Islam untuk membikar saja AS bermaharajalela di Iraq sehingga menghancurkan bumi yang menyimpan khasanah ketamadunan Islam yang unggul pada masa itu.

Biarakan Amerika kuasa tentera merentas dunia tanpa sempadan dengan angkuh, bombak dan kurang ajarnya. Biarkan biarkan biarkan biarkan kerana hari ini hari dia

dan esok hari kita biarkan biarkan biarkan biarkan Baghdad mati kerana sememangnya teluh pun mati.

Duet pelajar Universiti Pendidikan Sultan Idris (UPSI), Indra Daumensa dan Norazra Azri, membacakan puisi, *Merdekaoh Kita*, karya Datuk Dr Rosli Saladin, boleh ditelaah sebagai kesimpulan terhadap keangkuhan rejim Israel dan AS, walaupun puisi itu lebih mirip kepada gaya puisi tradisional.

Ini kerana puisi tradisional masih mampu memberikan tafsiran yang universal terutama terhadap sikap buruk dan jahat manusia yang tidak berubah sejak zaman berzaman.

Akal tak betul laku pun kosar diberi nafahit tidak didengar diberi petunjuk kepentingan besar melihat kesusahan matanya pejam melihat keremboh negara lain dan menumpahkan darah rakyat yang tidak berdoa.

Dr Rosli tidak ketinggalan membacakan teromba yang mengingatkan penonton terhadap bahaya nafsu yang tidak terkawal, sekali gus menjadikan mereka kerosakan di muka bumi apabila mereka sewenang-wenangnya mencoroboh negara lain dan menumpahkan darah rakyat yang tidak berdoa.

Minum kopi dengan susu kalau tak manis tambah gula jangan dilukut hawa nafsu kut nanti seperti gila.

Malam itu turut dimeriahkan Prof Madya Dr Arbak Othman, Abdul Ghafar Ibrahim atau Agi, Yasin Salleh, Maarof Seman, Ahmad Shukir Abdullah dan Sallehuddin Ibrahim, selain bakat baru UPSI dan Fakulti Teknologi Kreatif, Artistik (FTKA) Universiti Teknologi Mara (UiTM) serta Fakulti Bahasa Moden dan Komunikasi (FBMK), Universiti Putra Malaysia (UPM).

**“Aku raung dari
gurun mimpi
dan ladang
kurma di gurun
harapan
terhimpit di
bawah ledakan
bom-bom dan
peluru berpandu
yang mengilga di
bumi kami
dari padang
mimpি dan derita
luka”**

Dr Ahmad Razali
Koordinator Pena



PENUH PERASAAN: Dr Rosli (kanan) membacakan teromba pada majlis di Rumah Pena.